

豫章叢書

第五冊

綱目續麟

彙覽

丁卯冬月
于南昌復廬

欽定四庫全書總目卷四十七 史部 編年類

綱目續麟二十卷校正凡例一卷附錄一卷彙覽

三卷

江西巡撫
採進本

明張自勳撰自勳字卓菴南昌人是編成於崇禎癸未首爲校正凡例一卷列朱子凡例與劉

友益書法凡例而各著所疑次爲附錄一卷備

列朱子論綱目手書十二篇及李方子綱目後

序王柏書綱目大全後徐昭文綱目考證序證

綱目一書非惟分註非朱子手定卽正綱亦多

出趙師淵手併證劉友益誤以晚年未定之本

爲中年已定之本遂不求端訊末強辨誣真其
續麟二十卷則案原書次第摘列綱目及考異
書法發明考證之文而一一辨正其是非彙覽
三卷則列增刪正綱者三千六百四十餘字增
刪分注者四百四十餘字彙覽爲改正之本
而續麟則發明改正之所以然分注存彙覽覽
僅改其年號君名諡號之類而其他所當改者
以其文太繁則散見於續麟中蓋二書詳略互
見相輔爲用者也其宗方孝孺之論不以統予
秦晉隋未免儒生膠固之見然其他參互比較

每能推其致誤之所以然如唐以前太子卽位皆書名至唐獨不書名劉友益曲爲之說自勲則以爲太子卽位前史皆書名至唐書本紀獨不書名綱目不過誤從史文不必強爲穿鑿又如漢景帝中元年十二月晦日食綱目漏書三年九月晦日食旣綱目漏書旣字自勲以爲皆漢書本紀先漏綱目但據本紀而未見五行志故有此失別無他義皆足破陋儒附會之說他若唐太宗貞觀元年書徵隋祕書監劉子翼不至劉友益書法稱書不至何美子翼也尹起莘

發明亦以特書隋官爲美之自勳則據唐書劉
禕之傳載于翼後復召拜吳王府功曹參軍終
著作郎宏文館直學士謂綱目失考誤以爲陶
潛一例如是之類其說皆鑿鑿有徵非故與朱
子爲難者比至於凡例稱曹丕劉裕書姓而綱
目書宋王裕乃無劉字又凡例稱宦者封爵皆
加宦者字如鄭康之屬而綱目書鄭康封鄭鄉
侯乃無宦者字用證綱目傳寫刊刻不免譌脫
不必以鈔胥刻工之失執爲朱子之筆削尤爲
洞悉事理之言視徒博尊朱子之名而牽合迂

謬反晦朱子之本旨者相去遠矣

曲盡其

目錄

目錄

本其源流

其源流

目錄

目錄

本其源流

目錄

綱目雖繼春秋而作然未盡合春秋之旨余輒引義
增刪并爲更定凡三千六百四十餘字義詳續麟辭
載彙覽識者合觀之可也分註不能悉載惟歲首年
號君名諡號開爲訂正計四百四十餘字秦晉隋並
從分註不
復大書姑據彙覽所載餘見續麟者不盡錄後有好古

者合全書整理循例增損亦易爲力雖然春秋以制
科取士幸得不廢綱目雖存往往東之高閣卽分註
尙未寓目况大書乎又况大書之褒貶是非不能無
謬戾者乎余雖爲續麟將求爲綱目不可得安望其
與春秋并垂哉雖然劉氏之書法伊氏之發明汪氏

徐氏之考異考證猶得與綱目並列則如續麟者後
世或有取焉余非好爲紛更然每覽一書凡心所未
安不能不形諸筆墨姑以盡吾心而已道不終泯庶
有昭著之日直俟之耳丙辰蒲節前一日張自勳識

歲乙未予主講昌黎書院就張氏借卓庵綱目續麟
讀之附識數語還其家欲謀梓以行世未果也閱今
二十年復來袁乃得爲之序曰通鑑綱目學史者宗
之皆以爲朱子作而不知非也嘗攷朱子當日命門
人趙師淵輯綱目而師淵史學旣非所長文義亦未
精心是以疎舛不一朱子自序亦云輒與同志因可
馬溫公胡文定諸書增損成篇然則綱目非朱子手
纂確然而無疑而世儒不察比之孔子作春秋過矣
夫春秋之作筆削嚴於袞斧雖游夏不能贊一辭後
之作史者不盡旣乎道而欲上擬聖經不其難乎元

儒汪克寬輩多病綱目之脫誤且與春秋義例不符然未有起而正之者非以書之卷帙浩繁未易率爾論定歟宜春張卓庵奮乎數百年之後不顧世之驚笑竭一生之力於綱目凡增益更改刪除無一不衷諸大義亦曾與其兄芑山相辨正學者得此書以讀綱目心開而目爽無復往時脫誤之疑義例之失卽謂卓庵爲朱子功臣而續春秋之一脉可也我皇
上四庫全書網羅散佚江右收錄者經類則朱可亭晏一齋史類則張卓庵是卓庵以一布衣隱然與相國中丞名望若鼎立古學之可貴如是夫乾隆五十

九年甲寅仲春月奉新徐日都

綱目續麟彙覽目錄

卷之上

起戊寅周威烈王二十三年盡甲申魏元帝
咸熙元年

卷之中

起乙酉魏元帝咸熙二年盡癸未唐高祖武
德六年

卷之下

起甲申唐高祖武德七年盡己未周顯德六
年

綱

增一千零四十字

刪一千三百三十字○改一千二百七十四字

目歲首
年號

大書刪九十八字○增八字

分註增二百零二字

秦晉隋每年分註不盡錄俟
續修全書者逐年增入可也

刪一百二十字○改一十七字

綱目續麟彙覽卷上

宜春 張自勳

戊寅周威烈王午二十三年秦簡公悼子十二年晉烈
公正十七年齊康公貸二
年楚聲王當五年燕閔公二十一年○趙烈侯籍六
年韓景侯虔六年魏文侯斯二十二年皆始爲侯○
統舊國五新國
三凡八大國

原本午字細註今大書分註秦簡公闕名今補悼

子二字趙烈侯舊列魏斯下今並改正按趙自襄
子至籍凡

四世韓自康子至虔凡三世獨魏桓子至斯僅二
世以世族論亦當先趙况分晉之禍尤趙爲之首
乎故當更定

初命晉大夫趙籍韓虔魏斯爲諸侯

原本趙籍列魏斯下非是今正

辛巳安王二年趙侯籍卒

原本不書趙籍卒非是今從提要補正

壬午

三年秦惠公趙武侯
韓烈侯取元年號山崩

原本崩下有壅河二字今刪入分註

甲午十五年○魏侯斯卒

刪

乙未十六年秦出公趙敬侯章韓文侯魏武侯擊元年
田齊太公和元年○并齊楚燕統舊
凡八新國一
凡九大國

原本分註作統秦晉齊楚燕趙魏韓非是今從提

要更定

以後分註趙侯
並列韓魏上

命齊大夫田和爲諸侯

原本命上有初字今刪齊下無大夫字今增

壬寅

二十三年

是歲齊亡統秦晉楚燕
趙韓魏田齊凡八大國

齊侯貸卒田氏

遂并齊

原本卒下有無子二字今刪入分註

戊辰

顯王十六年韓寇東周取陵觀廩邱

原本寇作伐誤

庚子

四十八年齊封薛公田文爲孟嘗君

原本封作號非是

乙 慎靚王五年秦滅蜀

原本作伐蜀取之今直書滅刪伐取之三字

戊 赧王二年齊湣王地元年楚使屈匄帥師伐秦

原本無使帥師三字非是今增

庚 四年燕昭王平韓襄王倉元年蜀相殺蜀侯

刪

辛 五年秦武王元年秦張儀出復相魏

原本復在出上非是今正

秦誅蜀相莊

刪

乙卯九年秦昭襄王稷元年趙君略中山及胡地遣使約秦韓楚魏齊并致胡兵○楚齊韓合從

刪

庚申十四年蜀守叛秦秦誅之

刪提要無此七字良是

壬戌十六年○秦伐楚取八城復誘楚君槐於武關執之以歸楚請太子橫於齊而立之

原本復作遂遂易辭也復甚辭下書楚人立太子橫無請

於齊五字今增

癸亥十七年楚頃襄王橫趙惠文王何元年齊韓魏伐秦敗其軍於函

谷關秦割河東三城以和三國還

原本關下有河渭絕一日五字今刪還作乃退非
庚二十四年○秦封魏冉爲穰侯芊戎爲華陽君弟
市爲高陵君惺爲涇陽君

原本作公子市爲宛侯公子惺爲鄧侯無芊戎爲
華陽君六字今從提要補正

乙亥二十九年秦擊魏獲安邑募民徙之

原本獲作魏獻邑下有以和秦出其人六字今刪
齊伐宋滅之

原本作滅宋無伐之二字今補

三十年○齊殺狐咺陳舉燕使樂毅如趙

原本使下有亞卿二字今刪咺舉宜書官惜無可考

三十一燕上將軍樂毅以秦魏韓趙之師伐齊入臨淄齊君地出走其相淖齒弑之燕封毅爲昌國君

原本弑字誤作殺之下有毅下齊七十餘城七字今刪

戊三十二年齊襄王法章元年○齊人誅淖齒立其君之子

法章保莒城

原本誅作討殺非是齒下而字羨今刪

趙使藺相如獻璧于秦既而歸之

原本無既而歸之四字今增

辛卯 四十五年魏人范雎入秦秦以爲客卿

原本作秦以范雎爲客卿無魏人入秦四字今從

提要補書

甲辰 五十八年魏公子無忌大破秦軍于邯鄲

原本軍下無于字今補鄲下有下字今刪

上書秦圍邯鄲

無下字綱目據分註誤書

乙巳 五十九年秦伐韓及趙王命諸侯討之秦遂入寇

京師陷王卒

原本韓下無及字寇下作王入秦盡獻其地歸而卒非是今刪

資治通鑑綱目卷之二

起丙午秦昭襄王五十二年盡戊戌漢王四年

原本丙午下無秦昭襄王五十二年戊戌下有西

楚霸王四年今從提要更定

庚秦五十六楚十二燕四趙十五
戊韓二十二魏二十六齊十四年趙公子勝卒

刪提要無此五字

甲秦莊襄王楚三楚十六趙十九
寅韓二十六魏三十齊十八年五月秦王楚墓子

政立

原本漏楚字今從提要補書

丙秦王政二楚十八燕十趙二十一趙王丹薨廉頗
辰韓二十八魏三十二齊二十年
奔魏

原本漏丹字今補

癸秦九楚二十五燕十七趙七
亥韓王安元魏五齊二十七年
○夏四月秦大寒

原本寒下有民有凍死者五字今刪入分註

甲秦十楚幽王悍元燕十八趙
子八韓二魏六齊二十六年
冬十月秦呂不韋以
罪免相出就國

原本作秦相國呂不韋以罪免

齊趙入秦置酒

刪

丙秦十二楚三燕二十趙幽穆秦呂不韋徒蜀死

寅王遷元韓四魏八齊三十年

原本作自殺非

凡例篡賊之臣書死

戊秦十四楚五燕二十二趙
辰三韓六魏十齊三十二年 ○韓遣公子非稱藩于

秦

原本作遣使無公子非三字非是今增

癸秦十九楚十燕二十七趙八魏十五 秦王翦滅趙
酉齊三十七年 ○是歲趙亡凡五國

虜王遷遂屯中山以臨燕

原本分二條秦下無王翦字遷下有秦王如邯鄲

及秦軍七字誤今刪合爲一另補分註

○楚王悍莫弟郝立三月負芻弑之而自立

原本無悍字月下有郝庶兄三字今刪

丙秦二十二楚三燕三十魏三齊四
子十代三年○是歲魏亡凡五國 秦王賁滅魏王
假降殺之

原本先書伐後書滅魏下有引河溝以灌其城七
字今刪

○楚人大敗秦軍李信奔還秦遣王翦代之

原本無遣字非是今補

已秦二十五燕三十三齊四十三 五月秦大酺
即代六年○是歲燕代亡凡二國
原本書天下大酺無秦字非是今正

庚秦二十六齊四十四年○是歲
辰齊亡秦并天下是爲始皇帝

原本歲首大書秦始皇帝二十六年今刪後凡歲
首但分註秦書某年十單字下不復大書

王賁襲齊滅之王建降

原本滅齊書建降下非是今正

秦王初并天下更號與帝

原本王上無秦字今補

分天下爲三十六郡更命民曰黔首徒共豪富于咸
陽

原本郡下有銷兵器一法度六字今刪無更命民

日黔首六字今補富字誤作榮今據本紀改正

築宮於咸陽北阪

原本無於字今補阪下有上字今刪

辛秦帝政二
巳十七年

帝巡隴西北至雞頭山迴中

刪

壬秦二十
午八年 帝東巡立石鄒嶧出封泰山禪梁父遂遊

海上求神仙南渡江乃還

原本三書立石鄒嶧有頌功業及登琅邪遣徐

市入海渡淮至南郡凡二十一字今刪

癸秦二十 帝東遊至陽武韓人張良擊之弗克遂登
未九年 之梁山刻石而還

原本良下作狙擊誤中副車令天下大索十日不
得今刪

丁秦三十 略取南越地置桂林南海象郡

亥三年 原本郡下有以謫徙民五十萬戍之九字今刪已書

分註不
必大書

庚秦三十 有石隕于東郡

寅六年 原本作隕石東郡非

辛秦三十 冬十月帝東巡至雲夢上會稽立石秋七
卯七年

月崩于沙邱丞相李斯宦者趙高立少子胡亥爲帝殺其兄扶蘇及將軍蒙恬九月葬始皇帝于驪山

原本書曰帝東巡至雲夢祀虞舜上會稽祭大禹立石頌德秋七月至沙邱崩丞相李斯宦者趙高矯遺詔立少子胡亥爲太子殺扶蘇蒙恬還至咸

陽襲位九月葬驪山今刪祀舜禹以下凡二十字

王秦二世帝胡亥元年○楚隱王陳勝元趙王武臣辰元齊王田儋元燕王韓廣元魏王咎元年○是歲舊大國一新小國五六國

原本大書二世皇帝元年六字今刪入分註與楚趙並列分註增舊大國四字與新小國爲六

帝東行到碣石並海南至會稽而還

刪

癸秦二燕二年○楚懷王心元趙王歇元齊王田市
已元魏王豹元韓王成元年○是歲楚王勝趙王武
臣齊王儋魏王咎皆亡
舊國二新國五凡七國

原本大書二年分註燕下復書王韓廣已見元年不應重出

並誤今刪

十一月秦章邯追敗楚軍于澠池殺其將周文

原本章上無秦字周文書走死並非

○秦益遣兵擊楚臘月楚將莊賈弑其君勝以降于

秦呂臣討賈誅之復以陳爲楚

綱目續編
九
原本誅作殺誤今從考異改正

○秦殺左丞相李斯夷三族及右丞相馮去疾以宦者趙高爲中丞相

原本先書馮去疾後書李斯又無宦者字並非下吏自殺腰斬等字皆可刪

秦章邯擊破楚軍於定陶項梁卒

原本章上無秦字卒作死非是今正

○秦章邯擊趙圍趙王于鉅鹿楚以宋義爲上將軍救之次于安陽爲下救義張本

原本章上無秦字救之下無次于安陽四字今補

章邯以軍歸楚

原本歸作降非

書法云凡降讖也
以軍降甚讖之也

八月沛公入武關趙高弑帝于望夷宮立子嬰爲王
九月子嬰誅高夷三族

原本誅作討殺非是今正

乙楚義帝心元西楚霸王項籍元漢王劉邦元韓三
未年○雍王章邯塞王司馬欣翟王董翳西魏王豹
河南王申陽殷王司馬卬代王趙歇常山王張耳九
江王英布衡山王吳芮臨江王共敖遼東王韓廣燕
王臧荼膠東王田市齊王田都濟北王田安元年○
是歲秦亡新舊六國三小國十七爲二十國而韓塞
翟遼東膠東齊濟北七國皆亡又韓
王鄭昌齊王田榮元年定十五國
楚懷王爲義帝自立爲西楚霸王

原本分二條自立上有二月項籍四字非是今刪

合爲一

成西楚四年 秋七月漢立英布爲淮南王
成漢四年

原本英作黥誤今從考異改正

己亥漢太祖高皇帝五年冬十月王追項籍至固陵復
會諸侯圍籍于垓下籍走自殺楚地悉定

原本固陵下有齊王信魏相國越及劉賈誘楚周
殷迎黥布皆會十九字今刪

夏五月詔天下罷兵歸家

原本作兵罷歸家無詔天下三字非是今補

以季布爲郎中斬丁固以徇

丁公名固宜書名原本據舊史書公非是今正
○秋七月燕王臧荼反帝自將討虜之

原本作虜擊誤今正

潁川侯利幾反帝自將討破之

原本書故楚將非是討作擊亦非

庚子六年封雍齒爲什邾侯

原本加作方非今據功臣表改正
功臣表作什邾

癸卯九年冬始與匈奴和親

原本作遣劉敬使匈奴結和親非是

甲辰十年夏五月太上皇崩秋七月葬上皇于萬年令
諸侯國皆立廟

原本作葬萬年無上皇于三字非是今補

乙巳十一年○五月立故秦南海尉趙佗爲南粵王以
陸賈爲太中大夫

原本無以陸賈爲大夫八字今據分註補書

丙午十二年十一月帝祠孔子于魯牲用大牢

原本作過魯以大牢祠孔子非是

○五月葬高皇帝于長陵

後凡書葬者
做此不悉正

原本葬下無高皇帝四字非是

丁未 孝惠皇帝元年令民買爵贖罪○始賜民爵戶一級

原本不載非是今據漢書本紀補正

巳酉 三年春城長安

刪

庚戌 四年冬十月立帝甥張氏爲皇后張氏魯元公主女太后欲爲重親故以配帝

原本作立皇后張氏不應以恒辭書

○省法令妨民者

原本民上有吏字今從提要刪去

辛亥五年春正月城長安

刪○按城長安自元年正月始至五年九月成書始書成首尾兩見可也間一歲而再書涉贅故并

三年並刪

癸丑七年九月葬孝惠皇帝于安陵太子卽位太后呂氏臨朝

原本葬下無孝惠皇帝四字后下無呂氏字朝下

有稱制二字今刪

書臨朝則稱制可知不必更書

乙卯二年○夏五月呂氏封齊王子章爲朱虛侯令入宿

衛

原本呂氏作太后子作弟誤今正

○呂氏立山爲恒山王更名義

原本書太后非

丁巳年夏四月呂氏封女弟頰爲臨光侯

原本作太后非

○廢少帝殺之五月立恒山王義爲帝更名宏以朝
爲恒山王

原本殺上有幽字今刪

後凡幽殺者並去幽字此條凡例不可從

戊午年

原本戊作庚五作三誤

新目錄
秋八月淮陽王廙卒呂氏立武爲淮陽王

六年
王秋爲

王做此

原本作太后非

巳六年
未年冬十月呂氏廢呂王嘉立台弟產爲呂王

原本作太后非

○匈奴入狄道

七年寇狄道做此

原本入作寇讓今從凡例書入

凡例中國無主夷狄書入

庚七年
申年○春正月呂氏殺趙王友

原本作太后幽殺非是今正

是月晦日食既

五行志是年日食在正月故承上正月書是月

原本作日食晝晦無是月既三字非是

辛酉年

○秋七月呂氏死呂產猶爲相國

原本作太后崩下書遺詔產爲相國祿女爲帝后
審食其爲帝太傅今刪

諸大臣迎立代王恒後九月至卽位誅呂氏所名孝
惠子宏等赦尊母薄氏爲皇太后

原本闕尊母薄氏爲皇太后八字今補

壬戌

太宗孝文皇帝元年冬十月帝謁高廟遣將軍薄

昭迎皇太后于代太尉勃等論功益戶有差○十二
月封趙幽王子遂爲趙王徙琅邪王澤爲燕王○以

綱目卷八
周勃爲右丞相陳平爲左丞相灌嬰爲大尉

原本闕謁廟迎母二事又先徙封而後論功徙封
又先琅邪而後趙王進職又先陳平而後周勃皆
誤今據漢書文帝紀循次更定議者詳之

甲子三年夏五月匈奴入寇帝如甘泉遣丞相嬰將兵
擊走之遂如大原濟北王興居反遣大將軍柴武討
之秋七月還宮八月興居兵敗自殺

原本討作擊誤今正

乙丑四年夏六月大雨雪

原本不書今補

壬十一年丞相絳侯周勃卒

史漢帝紀並闕故綱目誤漏

原本不書勃卒非是令據本傳補正

癸酉十二年春二月出宮人令嫁

書法謂自哀帝始非是

原本不書非是今據本紀補正

甲戌十三年六月除田租稅

原本田下有之字羨今刪

丁丑十六年以方士新垣平爲上大夫

原本無方士二字非是

甲申後七年太子啟卽位尊皇太后曰太皇太后皇后

曰皇太后立妃薄氏爲皇后

原本闕立妃薄氏爲皇后七字非是今補

○秋九月有星孛于西方

原本無秋字非是今補

乙酉孝景皇帝元年春正月詔募民徙寬大地

刪

○始三十稅一

原本有復收民田半租六字于三十上今刪

丁亥三年○吳王濞及膠西王卬膠東王雄渠菑川王

賢濟南王辟光楚王戊趙王遂反

原本無及字非是今補

立楚元王子禮爲楚王端爲膠西王勝爲中山王

原本端上子字羨今刪

子^戊四年○冬十月晦日食

刪五行志是年無日食史漢本紀是年無冬月事綱目誤書故刪

辰^壬中元年十二月晦日食

原本是年不書日食非是今據五行志補之

午^甲三年○是月晦日食既上書秋九月蝗

原本漏既字今補

封匈奴降者徐盧等爲列侯丞相亞夫免

原本關封匈奴至列侯十一字非是今補

乙未 四年冬十月日食

刪是年日食亦誤書考異謂夏蝗當在日食下皆未詳考紀志耳

丁酉 六年春二月帝郊五時

原本漏帝字今補

戊戌 後元年春正月詔治獄者務先寬

刪

○秋七月日食

原本月下有晦字誤今刪

己亥 二年○禁內郡食馬粟沒入之

刪

庚子 三年二月葬孝景皇帝于陽陵

原本書葬陽陵無孝景皇帝于五字今補

壬寅 世宗孝武皇帝建元二年夏四月有如日夜出

原本如上有星字誤今據漢書刪去

甲辰 四年夏四月有風赤如血

原本無赤字今從漢書補正

丙午 六年○五月太皇太后竇氏崩

原本無竇氏二字今據凡例補書據后崩皆書某氏益信葬某陵

者不可不書某帝凡例不能悉載學者類推之可也

壬子 元光六年冬初算商車

刪○此條重出刪此存彼可也

見卷四下冊卷首

發明繁

簡不同彼此並載尤非當以此條發明移入下冊
爲是

丁元朔五年夏六月置博士弟子五十人

原本作爲博士置弟子非是

秋匈奴入寇于代

原本作入代非

○詔削淮南二縣賜衡山王賜書不朝

原本漏詔字今補

巳元狩元年冬十月帝祠五畤獲一角獸以燎始以

六瑞紀元

原本漏帝字今補

次二年以方士少翁爲文成將軍

原本不書今補

年三年南陽獻神馬次以爲歌

原本作得神馬于渥洼水中無次以爲歌四字今

據分註補書

甲子六年大司馬冠軍侯霍去病卒

原本冠上有票騎大將軍五字今刪

戊辰元鼎四年○封周後姬嘉爲周子南君

原本爲下無周字非是今補

夏六月得大鼎於汾陰

原本作汾陰得大鼎非是

以兒寬爲左內史開六輔渠

原本無開六輔渠四字今據本傳補書

遣使誘南越入朝

原本誘作諭非

巳五年南越相呂嘉殺漢使者及其王興更立建德
爲王發兵反

原本使上漏漢字今補

庚六年帝如緱氏觀大人跡

是年漏還宮二字

本紀不載還宮
綱目無所考

春始立樂府

原本不書今補

辛未元封元年東越殺王餘善以降詔徙其民于江淮
間

原本徙上無詔字民下欠于字並非今補

壬申二年作蜚廉桂觀通天臺

原本臺上有莖字今刪

甘泉房中產芝九莖赦

原本赦上圈隔誤今刪

己亥五年○大司馬長平侯衛青卒

原本長上有大將軍三字今做去病例刪去

丁丑太初元年夏五月遣太初歷始用夏正

原本作以正月爲歲首非是今據分註改正

己卯三年春帝東巡海上

夏四月還宮

原本不書還宮今據漢紀補正

壬午天漢二年東方盜起遣使者發兵分捕之作沈命

法

原本作遺繡衣直指使者發兵擊東方盜賊無分捕之及作沈命法七字今補

甲申四年春正月遣李廣利等擊匈奴不利遂族李陵家

原本作族誅李陵家誅字非是今刪

乙酉太始元年春正月復徙豪桀于茂陵

此再徙也故書復

原本無復字非是

己丑征和元年○冬十一月大搜長安十日巫蠱起

原本不書巫蠱起非是今據分註補之

庚寅二年○帝如甘泉遣使者江充治巫蠱獄秋七月

太子據殺充發兵反詔丞相屈蕘討之據走湖及皇后衛氏皆自殺

原本無遣使者治巫蠱九字直書殺使者白皇后發兵反又先書皇后衛氏及據皆誤當以鄙書爲正

辛卯三年六月丞相屈蕘棄市李廣利降匈奴詔族其家

原本降上有廣利妻子下吏六字非是今刪

○以田千秋爲大鴻臚族誅江充家

原本誅作滅非是

癸巳後元元年春郊泰畤

刪

乙未孝昭皇帝始元元年秋七月赦○自七月大雨至于冬十月○無冰

原本赦下書大雨至于十月冬字繫無冰之上十月之下並誤今正

己亥五年春正月夏陽人成方遂詣闕自稱衛太子伏誅

原本作男子成方遂詐稱衛太子非是今正

庚子六年中郎將蘇武還自匈奴以爲典屬國

原本無中郎將三字今補

癸卯元鳳三年春正月泰山石立上林偃柳復生

原本復下有起字今刪

殺少府徐仁廷尉王平

原本仁下有自殺腰斬四字今刪

甲辰四年○夏五月太宗廟正殿火帝素服遣使作治

原本太宗作孝文誤今正

丁未元平元年○夏四月帝崩大將軍光請皇后徵昌

邑王賀八卽位尊皇后曰皇太后

原本光下有承皇后詔及迎入長安八字今刪

戊申 中宗孝宣皇帝本始元年○追謚戾太子曰悼考
夫人曰悼后置園邑

癸丑 原本作追謚戾太子戾夫人悼考悼后非是今正
地節二年大將軍光卒

原本有大司馬博陸侯六字今刪

五月帝始親政詔五日一聽事

原本不書非是今據漢紀補正

霍光卒帝始得親政不可不書

丙辰 元康元年賜高帝功臣子孫復其家

原本是年不書賜復至四年始書賜金復其家書
法遂謂錄後始于四年非也今當補是年賜復至

四年賜金雖不書可也

己未

四年求高帝功臣子孫失侯者賜金復其家

續漢書是年僅賜金無復家事恩意復重于金
故于元年補書賜復以明人主錄後之恩是年

不必再書

辛酉

神爵二年春二月鳳皇集京師甘露降

原本作鳳皇甘露降集京師非體今正

丙寅

五鳳三年三月滅天下口賦錢

原本漏賦字今補

丁卯

四年○初置常平倉賜耿壽昌爵關內侯

原本初上有糴三輔近郡穀供京師九字今刪倉

下無賜耿壽昌爵八字今補

巳 甘露二年○後將軍營平侯趙充國卒

原本無後將軍三字今補

庚 三年春正月帝如甘泉郊泰時匈奴呼韓邪單于
來朝還居幕南塞下

原本無帝如甘泉郊泰時七字非是今據分註補

正分註明言朝帝于甘泉宮不書
如甘泉則還居二字皆無着

癸 孝元皇帝初元元年○以貢禹爲諫大夫

原本此下有罷宮館希幸者減穀食馬肉食獸十

三字今刪

甲戌二年罷黃門狗馬以禁園假貧民舉直言極諫之士

刪

賜蕭望之爵關內侯給事中朝朔望

刪

冬十月宦者宏恭石顯殺關內侯蕭望之恭死以顯爲中書令

原本冬上有以周堪劉更生爲中郎尋繫獄免蕭望之自殺等字今刪

丁丑五年春正月以周子南君姬延年爲周承休侯

原本無姬延年三字非是今據前後書法補正

戊寅永光元年春帝郊泰畤

原本漏帝字今補

辛巳四年夏六月晦日食以周堪爲光祿大夫張猛爲太中大夫堪卒猛自殺

原本漏堪卒二字今補

作初陵

原本陵下有不置邑徙民五字今刪入分註不大

書

癸未建昭元年春正月隕石于梁六

原本漏六字今據五行志補書

壬辰孝成皇帝建始四年夏四月雨雪以谷永爲光祿大夫

原本雪下有復召直言極諫之士詣白虎殿對策

十四字今刪無以谷永爲光祿大夫八字今補

巳亥陽朔三年春三月隕石于東郡八

原本欠于字今補

秋八月大將軍鳳卒

原本月下有大司馬三字今刪

癸卯鴻嘉三年○王氏五侯有罪赦不誅

原本罪下有詣闕謝三字今刪

乙永始元年夏四月封趙婕妤父臨爲成陽侯下諫議大夫劉輔獄論爲鬼薪

原本漏婕妤父三字獄下作爲鬼薪論非是今從
提要改正

庚元延二年夏四月遣中郎將段會宗殺烏孫太子
番邱康居遣子貢獻

原本殺作誅誤今正

甲寅綏和二年五月立傅氏爲皇后

原本作立皇后傅氏非

尊定陶太后傅氏曰定陶共皇太后丁姬曰共皇后
封舅丁明及后父晏皆爲列侯

原本作封丁明傅晏無舅及后父四字非是今補
詔陳湯還長安

原本還在陳上非是

丙辰孝哀皇帝建平二年詔立共皇廟于京師去定陶
之號

原本作詔共皇去定陶之號立廟京師非是

大赦改元太初元將更號陳聖劉太平皇帝

原本漏元將二字今據漢書補正

戊午四年夏六月尊太太后傅氏爲皇太太后

原本尊不帝字誤今刪

乙丑孝平皇帝元始五年春正月禘祭于明堂

原本欠于字今補

夏四月孔光卒

原本去姓書太師非是

封王憚等八人爲列侯殺琅邪太守公孫闔

原本無殺琅邪太守公孫闔八字今補

○羣臣奏請安漢公莽居攝踐祚

原本安上有太皇太后詔徵宣帝元孫又詔十二

字無羣臣奏請四字並非

丙寅孺子嬰居攝元年○三月莽立宣帝元孫嬰爲皇太子號曰孺子

原本立上無莽字非是今補

五月莽朝見稱假皇帝

原本莽上有太皇太后詔五字今刪

戊辰初始元年十一月莽請號令奏事毋言攝

原本莽上有太皇太后詔五字今刪

庚辰新莽地○鉅鹿男子馬適求謀誅莽不克死之
辰皇元年

原本死下漏之字今補

癸漢帝元更
未始元年

六月劉秀大破莽兵于昆陽誅王尋

原本陽下有下字羨今刪誅作殺非是今據凡例

改正

以劉秀行大司馬事徇河北

原本徇上有遣字非是今刪

乙酉世祖光武皇帝秀建武元年

原本帝下漏秀字今從考異補書

春正月方望以孺子嬰稱帝于臨涇元遣兵擊斬之

原本孺子作前定安公非是今據漢書改正

丁亥三年○馮異大破赤眉于崤底賊衆東走帝勒軍

宜陽降之得傳國璽

原本璽下有綬字今刪

始行鄉飲酒禮

書法謂始于唐元宗開元六年非也

原本不書非是今據漢書伏湛傳及禮儀志補正

庚寅六年隗囂反使其將王元據隴坻諸將討之弗克

原本作與戰大敗而還非是

隗囂遣兵陷隴馮異祭遵擊破之

原本陷作下非是

凡例正統寇得曰陷

癸卯十九年妖賊單臣等據原武夏四月遣臧宮討斬

之

原本無遣字討作破非是

甲辰

二十年徙中山王輔爲沛王

刪提要無此
八字良是

丙午

二十二年西域復請都護不許

原本許下有遂附于匈奴五字今刪

戊申

二十四年秋七月遣馬援討武陵蠻

原本討作征非是今正

己酉

二十五年南單于擊北匈奴破之來請使者監護

原本匈奴作單于非是今改正

甲子

顯宗孝明皇帝永平七年北匈奴求合市許之

原本匈奴作單于非是今正

乙丑 八年北匈奴寇河西諸郡

原本不書非是今據漢書補正

辛未 十四年○英至丹陽自殺

原本書故楚王英自殺非是今正

前書有罪廢徙不應復書故爵

壬申 十五年春二月帝東巡耕于下邳三月至魯詣孔

子宅祠之

原本宅下漏祠之二字今據本紀補書

夏四月還宮

當冠于立子恭等上

原本不書非是

立子恭等爲王

原本書封皇子六人不一著名非是今正

癸酉十六年北匈奴寇雲中太守廉范拒却之

原本寇作大入誤又不書太守拒却並非今補正

丁丑肅宗孝章皇帝建初二年燒當羌反秋八月遣將

軍馬防都尉耿恭擊之

原本作校尉誤今改正

元年已罷戊巳校尉以恭爲騎都尉

戊寅三年春宗祀于明堂

原本欠于字今補

庚辰五年春二月朔日食詔舉直言極諫

原本漏詔字今據分註補書

壬午七年九月帝如偃師遂至河內及鄴是月還宮

原本無及鄴是月還宮六字今補

乙酉元和二年冬南單于與北匈奴戰破之

原本北匈奴作北單于非是今正

丁亥章和元年春三月護羌校尉傅育擊羌戰歿

原本戰歿作敗死非是今據漢書改正

癸巳孝和皇帝永元五年○北單于叛歸匈奴遣兵追
斬滅之鮮卑徙據其地

原本分二條書鮮卑徙據北匈奴地今合爲一辭

不煩而義尤暢

甲午六年北匈奴降者脇立屯屠何子逢侯叛走遣將軍鄧鴻等擊之不及鴻及杜崇等皆坐誅

原本走下有出塞二字非是今刪

丁酉九年○以呂蓋爲司徒○司空奮罷以韓稜爲司空

原本司徒下漏圍子

戊戌十年南匈奴單于師子死單于長之子檀立

原本作南單于無匈奴字非是考異謂南上漏匈奴亦非

庚子十二年夏四月象林蠻反郡兵擊降之

原本大書分註並闕今據本紀補書并註

閏月秭歸山崩

原本不書闕直書夏四月非是今補正

壬寅十四年封宦者鄭衆爲鄴鄉侯

原本不書宦者非是

癸卯十五年夏四月晦日食

秋雨水不書秋則疑于夏時有不可畧者此類是也

原本漏秋字今據本紀紀云是秋補正
四川雨水

乙巳元興元年○冬十月帝崩少子隆卽位

原本作太子誤

隆生始百餘日未嘗立爲太子

丙午孝殤皇帝延平元年○三月葬孝和皇帝于順陵

原本作慎陵誤又不書孝和皇帝非

夏四月罷祀官不在祀典者

原本作禮典誤今從提要改正考異謂提要誤非也

秋七月詔實蕪傷害田除其租

原本作實蕪傷害其田租非是

葬孝殤皇帝于庚陵

原本作康陵誤今從考異改正

考異本劉放說

卯孝安皇帝元初二年六月地裂當書于夏四月立后之後

原本不書非是今據漢書補正

己未六年○夏四月大風雨雹○五月旱

原本早上不書五月非是今據本紀補正

秋七月鮮卑寇馬城鄧遵率南單于擊破之

原本城下有塞字今刪

壬戌延光元年遼東都尉龐奮殺元菟太守姚光徵抵

罪

原本奮下有承僞詔三字今刪殺作斬亦非

癸亥二年夏四月封乳母王聖爲野王君

原本不書乳母非是今補

乙丑四年尊皇后曰皇太后太后臨朝以兄閭顯爲車騎將軍儀同三司迎北鄉侯懿入卽位

原本以下漏兄字今從考證補書考異謂漏舅字非也

○中黃門孫程等迎故太子濟陰王保入卽位誅閹顯等遷太后于離宮封程等十九人爲列侯

原本不書故太子非是今補保實立爲太子因江京閭后等譖廢非其

罪也故當補書

丙寅孝順皇帝永建元年八月鮮卑寇代郡太守李超

戰歿

原本不書非是今據漢書補之

癸酉陽嘉二年六月京師地陷詔引敦樸士對策

原本無六月二字非是陷作圻尤誤今據漢紀增正

甲戌三年○旱

原本早上有五月二字不見春夏連旱之意今刪

乙亥四年自冬十月不雨至于是月是月二月也上書春二月聽中官得

以養子
冀爵

原本特書旱非是冬春無雨不爲旱故以不雨書

丙子永和元年以皇后兄梁冀爲河南尹

原本無皇后兄三字非是今從考異補書

己卯四年冬十月帝校獵上林苑至兩谷關而還

原本不書非是今據本紀補正

辛巳六年以梁冀爲大將軍冀弟不疑爲河南尹

原本無冀弟二字今補

乙酉孝冲皇帝永嘉元年三月以滕撫爲九江都尉討馬勉范容等誅之

原本書九江都尉滕撫擊馬勉范容斬之不特書官又作擊斬並非

丙戌孝質皇帝本初元年○閏六月大將軍冀弑帝白

皇后策免太尉固迎蠡吾侯志入卽位太后猶臨朝
原本弒上有進毒二字今刪

丁亥孝桓皇帝建和元年○冬十一月殺清河王蒜及
故太尉李固杜喬

原本書貶清河王蒜爲尉氏侯徙桂陽蒜自殺下
李固杜喬獄殺之貶殺同時宜書其重者不應辭

宜析爲二事固
喬不書官亦非

戊子二年三月帝從太后幸大將軍冀府

原本不書非是今據漢紀補正

庚寅和平元年春二月皇太后梁氏崩

原本有正月歸政四字無梁氏二字並非

辛卯元嘉元年加大將軍冀殊禮增封賜第

原本作增封四縣賜以甲第今從提要刪四縣以甲四字

丁酉永壽三年夏四月九真蠻夷反太守倪式戰歿遣都尉魏朗擊破之

原本但書討破無太守都尉等字非是

己亥延熹二年封皇后兄子鄧康宦者侯覽爲列侯殺白馬令李雲及宏農掾杜眾

原本無及字非是

初置祕書監官

原本不書非是

壬寅五年○冬十月武夷蠻反南郡太守李肅走徵棗市

原本不書太守至棗市十字非是今據分註補書

乙巳八年○是月晦日食

原本食下有詔舉賢良方正六字今刪從凡例無實不書削之

詔毀諸淫祠分註特留王漢卓茂二祠固知所毀者祠也非祀也

原本毀作壞祠作祀非是今據分註改正

九月地震○冬十月立貴人竇氏爲皇后

原本闕冬十月三字非是今補

不書月則疑于秋非所以重大昏也

丁未

永康元年遣使迎解瀆亭侯宏

是年十二月桓帝崩

原本宏下有請京師三字今從提要刪去

戊申孝靈皇帝建寧元年閏月追尊祖爲孝元皇夫人

爲孝元后考爲孝仁皇母董氏爲愼園貴人

原本祖上有皇字母上有尊字並誤今刪

秋九月太傅陳蕃及大將軍竇武奏誅宦者曹節等節等殺之遂遷太后于南宮

原本蕃下無及字不見首從之別非是

己酉二年夏四月青蛇見御座大風雨雹詔公卿言事

原本座下有上字雨下有雷字並誤今刪

壬子熹平元年三月胡廣卒

原本胡上有太傅字今刪

甲子中平元年三月以皇后兄何進爲大將軍屯都亭

原本不書皇后兄非是

戊辰五年春二月南匈奴右部反弑其單于羌渠

原本弑作殺非是今從考異改正

己巳六年三月劉虞討漁陽賊誅張純餘眾降散

原本誅作斬非是今正

秋七月大將軍進召董卓誅宦官太后不從
八月宦者張讓等殺進劫帝出至河上讓等死
帝還卓自爲司空

九月袁紹奔冀州卓廢帝爲宏農王以陳留王協爲
帝遂弑太后何氏

原本奔上有出字以作奉爲帝作卽位並非今正
庚午孝愍皇帝初平元年

原本愍作獻非是愍昭烈所證獻魏帝所證綱目
旣以正統歸蜀當以昭烈所證爲正

三月卓焚宮廟發諸陵遷帝于長安

原本先書遷都後書車駕西遷頗失輕重今正陵
上帝字亦羨並刪

戊寅建安三年夏四月詔將軍段熲等討李傕誅之夷
三族

原本傕下漏誅之二字今據獻帝起居註補之

傳傕首至許
詔高懸之

甲申九年丹陽郡吏殺其太守孫翊翊妻徐氏誘誅之
原本作討殺非是惟書誘誅方得其實不必槩以
討義予之

辛卯十六年春正月曹操以其子丕爲丞相副

原本丕下有爲五官中郎將六字今刪

甲午十九年春張魯遣馬超圍祁山將軍夏侯淵擊却之

原本夏上無將軍字今從提要補書

夏四月旱五月雨水

刪雨旱連書不踰月非異也故刪

枹罕宋建反冬十月遣夏侯淵擊斬之諸羌皆降

原本但書討斬不列主名誤討當作擊故改

十一月曹操弑皇后伏氏及皇子二人

原本操上有魏公二字今刪

乙未二十年三月操擊張魯

原本操上有魏公字今刪

以下除進爵外並去魏公二字

秋七月操取漢中走張魯留夏侯淵及張郃等守之而還

原本夏上有將軍二字淵下無及字郃下無等字並非

冬十月魏始置名號侯以賞軍功

原本始上漏魏字今補

十一月張魯出降操以爲鎮南將軍封其屬閻圃爲列侯

原本以上無操字非是今補

丙申二十一年夏四月魏公操進爵爲王殺其尙書

操

原本王下有操字殺下無其字非是

魏以裴潛爲代郡太守

原本以上無魏字非是今補

丁酉二十二年權遣陸遜擊丹陽山越平之

原本擊作討誤

己亥二十四年冬十月孫權使呂蒙襲取江陵魏王操帥師救樊關羽走還權邀斬之十二月蒙卒操以權

爲票騎將軍領荊州牧

原本分二條權再書姓非是今去姓連上合書方得其實

庚子二十五年魏文帝曹丕黃初元年春正月魏王曹操死子丕嗣

原本魏上有丞相冀州牧五字操下有還至洛陽卒五字丕下有自爲丞相冀州牧七字今並從刪

辛丑昭烈皇帝備章武元年魏黃初二年

原本帝下無備字今據凡例補正

夏四月漢中王卽皇帝位以諸葛亮爲丞相

原本無以諸葛亮爲丞相七字今據凡例補書凡

正統命官曰以某爲某宰相皆書亮爲丞相
不見大書僅與許靖並列分註與例不合

六月魏主殺其夫人甄氏

原本無主其二字非是今補

壬寅二年魏黃初三年○吳大帝孫權黃武元年○舊國一新國一凡二僭國夏六月吳

陸遜進攻猇亭諸軍敗績將軍傅彤死之帝還永安

原本無將軍傅彤死之六字非是今據分註補書

魏立其貴嬪郭氏爲后

原本立下無其字今據凡例補書

癸卯三年五月以後帝禪建興元年○
魏黃初四年吳黃武二年

原本大書後主建興元年六字誤今據提要及紫陽刊本改正

夏四月帝崩于永安丞相亮受遺詔輔政五月奉喪還成都太子禪卽位尊皇后曰皇太后封亮爲武鄉侯領益州牧

原本無奉喪還成都五字今從考證補書

秋八月葬昭烈皇帝于惠陵○魏以鍾繇爲太尉

原本不書葬非是今補

乙巳建興三年魏黃初六年八月魏主丕復以舟師伐

吳至于冬十月不克攻而還

原本分夏五月冬十月作兩條一事再書非是今據分註合之

丙午四年

魏黃初七年吳黃武五年

夏五月魏主曹丕死子叡立

原本死作卒無子叡立三字非是

子叡立本朱子凡例亦不見綱

目謂綱目無脫漏者非也

冬吳王權令陸遜諸葛瑾損益科條

刪

丁未五年

魏明帝曹叡太和元年吳黃武六年

冬十二月魏立其貴嬪毛

氏爲后

原本無其字非是今補

戊六年 魏太和二年 吳呂範卒

原本呂上有大司馬三字今刪 凡例僭國雖權臣貴重但書姓名

庚八年 魏太和四年 魏主叡如許昌

刪 非正統行幸不悉書

以蔣琬爲丞相長史

原本書丞相亮以蔣琬爲長史非是今正

壬十年 魏太和六年 吳擊魏廬江不克

原本吳下有人字今刪

癸丑十一年 魏青龍元年 春青龍見摩陂并魏主叡往

觀之

原本摩上有魏字上書正月下書二月並非

甲十二年魏青龍二年三月故帝協卒于魏

原本書魏山陽公卒非是

五月吳主權擊魏秋七月魏主叡自將以却之

原本以作擊誤

丙十四年魏青龍四年二月吳張昭卒

魏陳羣卒

原本吳下有婁侯二字魏下有司空二字並刪

丁巳十五年魏景初元年春正月黃龍見于魏魏以三

月爲夏四月

原本黃上有魏字以上無魏字並非

戊午延熙元年

魏景初二年
吳赤烏元年

春正月魏遣太尉司馬懿

伐遼東

原本伐作擊今從提要改正

復立貴人張氏爲皇后

原本但書立后張氏非是今正

乙丑八年

魏正始六年
吳赤烏八年

秋八月皇太后吳氏崩是月葬

穆皇后

原本不書葬非是今據凡例補正

丁卯十年

魏正始八年
吳赤烏十年

春二月朔日食

原本摩上有魏字上書正月下書二月並非

甲寅十二年魏青龍二年三月故帝協卒于魏

原本書魏山陽公卒非是

五月吳主權擊魏秋七月魏主叡自將以却之

原本以作擊誤

丙辰十四年魏青龍四年二月吳張昭卒

魏陳羣卒

原本吳下有婁侯二字魏下有司空二字並刪

丁巳十五年魏景初元年春正月黃龍見于魏魏以三

月爲夏四月

魏嘉平四年吳太元
申十五年二年主亮建興元年

原本分註吳下漏太元二年今補亮上孫字羨今

刪

春正月魏司馬師自爲大將軍

原本魏下有以字爲上無自字今據提要改正

甲十七年魏嘉平六年主髦正
元元年吳五鳳元年

原本分註無嘉平六年今補髦上曹字羨今刪

乙十八年魏正元二年魏司馬師死弟昭自爲大將

軍錄尙書事

原本作大將軍某卒非是弟上有二月師三字今

刪

丙子十九年魏甘露元年夏四月魏司馬昭服亮冕赤
馬

原本服上有始字今刪

巳卯景耀二年魏甘露四年夏六月立子譙爲北地王

原本不書非是譙死社稷綱目特書漢亡
非無事義者故當特書

庚辰三年魏甘露五年六月元帝奐

原本分註無甘露五年今補按魏主髦五月被弑

六月曹奐立故當補書

癸未炎興元年魏景元四年吳永安
六年○是歲漢亡

魏司馬昭自稱相國晉公受九錫

原本作始稱不書自非是

鄧艾至成都帝出降北地王諶死之漢亡

原本北上有皇子二字今刪

甲魏咸熙元年吳永安七年
申上皓元興元年○凡二國

原本分註吳下漏永安七年四字今補

皓立是在是年七月不

應于歲首先削永安之
號考異考證不言何也

綱目續編彙覽卷上終

卷上附案

甲分註楚寅十六

○按下當有燕八二字彙覽前此庚戌書

燕四後此丙辰書燕十丙辰以後悉書燕年故知不無誤漏

章邯以軍歸楚○按係秦二世三年事以彙覽體例

核之上當分註書

甲秦三楚二趙二齊二午燕三魏二韓二年

方合今誤

係於二年下恐混

漢高祖十年秋七月葬上皇于萬年令諸侯國皆立

廟○按綱目作令諸侯王國王字似非可刪或係偶

脫

呂氏

戊午年

彙覽云原本戊作庚五作三誤。按成化

九年頒行綱目原作戊午五年不說作庚三

武帝元封二年甘泉房中產芝九莖赦彙覽云原本
赦上圈隔誤。按成化本赦上不圈隔

元帝初元二年冬十月宦者宏恭石顯殺關內侯蕭
望之。按成化本作十二月

和帝永元十二年夏四月象林蠻反郡兵擊降之彙
覽云原本大書並闕今據本紀補書并註。按今無
註或胥鈔脫失

桓帝元嘉元年加大將軍冀殊禮。按原本加上有

詔字

靈帝中平六年秋七月大將軍進召董卓○按卓下
原本有將兵詣京師五字今更爲誅宦官詔罷更爲
不從八月宦官更官作者等下有入宮二字刦下有
太后二字今刪上下有司隸校尉袁紹捕宦者悉誅
之十二字今更讓等死還下有宮字刪卓爲司空書
以不書自非是又七月八月事共一條今析爲三彙
覽俱不約言其所以然核與全書體例不符明係有
鈔脫誤

附錄

黃清河題日耕徐先生有感末章詩後

蓋惜張卓庵綱目續麟

覽諸書無人刊行也

南廟山水佳秀氣鬱多士一門得三張季也尤擬

抱遺突始終微言慨誰嗣畢精綱目中發憤干戈裏

綜覈貫諸家折衷歸一是考亭有功臣尼山傳嫡繼

正統辨閩餘名分正朱紫碩學人所棄名不出鄉里

埋沒百餘年聲價欻然起曾副天子求未懸咸陽

市徐君好古癖一見劇狂喜錄要手爲脈那願旁人

訾舊本還其家深情奇餘紙從君徵文獻向子日先

哆鈔畢閱廿載寶書知完否近出感懷詩蓄念倍難
已我雖未見書上下心勞矣緬惟聖作初舊文本魯
史游夏贊不能高赤傳奚似應從廣六心精微該條
理慨自馬班來良穢安足紀均於道無聞具官筆浪
汎温國君子哉通鑑晞前軌體近史通子事託分晉
始紀周遺孫樵帝魏昧鑿齒仰鑽誠已殫概悟尙如
此晦庵大正之述古思竊比肩刀值弩末成書由弟
子遂昌大布衣發明究厥指王劉蓋推衍遺蘊更有
俟卓庵後來雄續麟言非侈斷不謬聖人匪集前賢
矢筆舌奮褒誅直道泯譽毀弓冶未盡墜可奈門如

水誰爲發幽潛其責在後死倘得就汗青猶能刊亥
豕難兄念芑山等身書莫恃孰假正字通未可唾廖
氏若非太守力亦同塵竊委收骨廬山邊故人誼猶
美法盛盜郗書吾黨固所恥懼其日散亡力薄亦徒
爾安得君百輩一破吝與鄙快覩炳日星附名垂千
祀

徐曰都次韻和黃明府

考亭創綱目衣被後來士意在續春秋遷固肯鼎峙
繁重難獨支義例孰能嗣通鑑讀已稀况復窮表裏
我昔覽斯編美刺惟其是豈第正統分持論得真髓

萬錦一時張五色錯紅紫非無毫髮疑一字謬千里
識闇啞點難人微畏懼起坐此十餘年借人還閱市
片語匡考亭掌錄不勝喜但期厭我心遑顧發人警
篋衍久叢殘誰歎記萬紙憶初來袁州高談不嫌哆
龜鑑資治同未由喜旨否

唐彭蠡著廟堂龜鑑百二十卷不傳張氏富

編纂購之曷容已倘獲卓庵作吾願卽畢矣是時門
下人輾轉丐諸史卓庵有雲仍抱殘親送似續麟徑
尺書一手爲料理開讀快平生序例已可紀朱門乏
史才假手筆重泚所以謬悠多一一納諸軌或如泉
倒流星宿究所始

續麟云按綱目始威烈二十三年正凡例所云前無所承者午字宜

大書而反細註何歟他如漢昭烈唐肅宗並即位
經年內者亦出凡例而大書分註並不列名俱非

或如崖萬重爬剔石齒齒續麟云既以書姓爲美辭

姓者豈皆美乎始以不姓爲恆辭繼以不姓爲變例

姓之不書一也而以爲有恆變之別何歟又按漢

文帝尊母薄氏爲皇太后不書景帝立妃薄氏爲皇

后不書漏者尤衆不及備錄昭烈葬惠陵不見網

目此闕漏之顯然者謂網或如象罔求失彼復得此

目無闕漏特未詳考耳漢文帝十一年丞相周勃

諸臣之卒惟宰相悉書而漢文帝十一年丞相周勃

卒不書晉武帝太康五年杜預卒不書凡例賢臣特

書依賢相例或如漢庭吏上下慎所比賢者曰某官

官爵惟所有而註其謚今按宇文士及李勣等不當註謚而或如
註謚魏徵李靖高士廉宜註謚而不註皆非或如
國基手先後爭布子賢如諸葛亮繫漢安危非無事
不特書章武元年謬甚當書未書者補之如漢文
帝見高廟迎太后于代景帝封匈奴徐廬等爲列侯

昭烈以諸葛亮爲丞相原綱並闕皆國家大故不可
不書 太子卽位宜書名朱子之例非不正惟唐世
卽位者但書太子立不書名自是因唐史不 或如大
書名故致缺略書法以爲例不書名非是 或如大
體存去駢拇枝指言之崩葬例註云謚非生者之稱
今加于薨卒之上亦非是今正之 或如銖兩加權衡
書法猶謂美甚者書謚何弗察也 或如銖兩加權衡
百世俟 綱目帝蜀始晉習鑿齒後世皆歸功紫陽因
之何無析別與鑿齒既黜秦魏不以續周漢而盛稱
晉功謂足承漢統終屬阿好非直筆也使紫陽採其
閔秦之功而棄其正晉之失則無疵矣方正學釋統
蓋有見于此而爲之者故特錄之魏晉隋不可爲正
統唐王勃已言之宋鄭思肖欲爲正統通鑑亦謂秦
晉隋不可爲正統其說出正學前然正學著釋統非
必冀王鄭說大抵心同理同自不可掩耳卽子與正
學不謀而合可見 宋蕭常著續後漢書起昭烈章
武元年盡少帝炎興元年爲四十二 或盡而非汗
卷吳魏爲載記列于後此正例也

既以武后與王莽並稱莽解名而武后猶稱氏亦自

子盾時武后自名聖綱曰不書周聖仍稱武氏非是

趙高爲中丞相高力上爲孟門將軍知內侍省事

楊思勳爲大將軍魚朝恩爲天下觀軍容宜慰處置

使總禁皆不加或約而非侈漢後帝立皇后張氏當

宦者字非是後不書漏者尤衆不及備錄馬適謀誅莽不克此

討賊而敗也書法以死下闕之字遂謂與慷慨就義

者異非是邱瓊增損詞旨直哉竟如矢綱目得是

山史綱有之字書完善莫敢毀亟命學子書滄海吸勺水留跋囑板

行此老生不死重來二十秋無人訂三豕若非秘閣

藏記錄安足恃賢宰政多暇訪古羅姓氏卓庵尤所
欣肯令塵烟委問我念續麟小詩辱贊美雄詞震鯨
鐘一雪藝林恥貫申義無遺寄託非偶爾時俗貴泉

刀異書爲世鄙尙賴父母心俾之傳奕禩